

समां - 12:25 hrs.

<><><><><><>

### **Jal Shakti Ministers Meet**

जल शक्ति मंत्री जावेद अहमद राणा होरें कल नमीं दिल्ली च केन्द्रीय जल शक्ति मंत्री सी.आर पाटिल हुंदे कन्नै मलाटी कीती ते हाड़ दे बाद दी स्थिति कन्नै निबड़ने लेई फौरी मदाद ते जल-जीवन मिशन लेई लगातार समर्थन दा आग्रह कीता ऐ। उ'नें हाल च आये दे हाड़ करी पानी ते सिंचाई दे बुनियादी ढांचे गी होए दे नुकसान उप्पर लौ पाई ते इक विशेष माली मदाद दा अनुरोध कीता। राणा होरें “हर घर जल” दे मार्च 2025 दे लक्ष्य गी पूरा करने लेई केन्द्रीय माली मदाद समें-सिर उप्पर मुहेइया करोआने दी बी गुजारिश कीती।

<><><><><><>

### **Itoo JKBOSE Review**

शिक्षामंत्री स्कीना इतू होरें इक मीटिंग दी प्रधानता करदे होई जम्मू-कश्मीर स्कूल शिक्षा बोर्ड - JKBOSE दे कम्ममें कारवाइयें दा जायजा लैता। इस दौरान उनें समें उप्पर म्तेहान करोआने-सुचारु मूल्यांकन ते 10मीं ते 12मीं जमात दी डेटशीट तौले जारी करने दी गल्ला उप्पर जोर पाया। मंत्री होरें JKBOSE गी नवम्बर तगर कताबें दी उपलब्धता मुहेइया कराने गी यकीनी बनाने लेई आखेया तां जे नमें शैक्षणिक सत्र च दौरान कोई चिर नैई होवै। विद्यार्थियों दे हितें आहली पैहलकदमी दी सराहना करदे होई उनें समस्याएं दा हल तौले करने ते बुनियादी ढांचे दे विकास दी जरूरत उप्पर बल दिता। JKBOSE दे सचिव होरें इस दौरान औंदे म्तेहानें दे

मद्देनजर तैयार इक कार्य-योजना पेश कीती। शिक्षा मंत्री होरें गलाया जे उच्च म्यार दी शिक्षा गै जम्मू-कश्मीर दे सनेहरें भविक्ख दी कूजी ऐ।

<><><><><><>

## Swasth Nari

“स्वस्थ नारी सशक्त परोआर” अभियान दे कल 9में दिन उधमपुर च सेहत टीम आस्सेया महिलायें लेई व्यापक जागरुकता ते जांच गतिविधियें दा आयोजन कीता गया। इस दौरान लाभार्थियें दी मधुमेह, खून दी कमी, टी.बी. ते कैंसर सरबंधी जांच कीती गई। इस दौरान शूगर टेस्ट, छाती एक्स-रे ते अल्ट्रासाउंड बी मुफ्त कीता गया। खास सत्र दौरान मुख ध्यान सतधार खुराक, जीवन शैली च बदलाव ते टी.बी. सरबंधी जागरुकता पर दिता गया। इस अभियान गी लोकें दी खरी मती गिनतरी च शमूलियत कन्नै बड़ा मता बल थोआ रदा ऐ। ग्रामीण इलाकें सनें शैहरी इलाकें च एहदे च लोकें दी खरी हिस्सेदारी दिक्खी जा रदी ऐ।

<><><><><><>

## Sewa Parv Internet Revolution

मुख्य भरै च “सेवा पर्व” मनाया जा रदा ऐ। इसदे तैहत प्रधानमंत्री नरेन्द्र मोदी हुंदी अगुआई आहली सरकार तैहत कीते जा रदे जत्नें गी उजागर कीता जा रदा ऐ। इस श्रृंखला च अज्ज अस गल्ल करगे Internet राएं आए दे क्रांतिकारी बदलाव दी। कियां इंटरनेट नै ग्रामीण भारत ते भारत नैट परियोजना राए लोकें दी जिन्दगी च बड़ा बदलाव आन्दा ऐ। 2 लक्ख 18 हजार ग्राम पंचैतें च 7 लक्ख किलोमीटर Optical Fiber Cable बछाई गई ऐ। प्रधानमंत्री नरेन्द्र

मोदी हुंदे जत्ने राएं ग्राएं च इंटरनेट दा खासा विस्तार होआ ऐ। 2014 मगरा डेटाकोस्ट 97 फीसद घट्ट होई 5G इंटरनेट सेवा लागू कीती गई। ग्रामीम इलाकें च रौहने आहले लोकें गी e-governance, सेहत सरबंधी, दिक्खभाल, शिक्षा वगैरा दी सुविधा हासिल होई। इनें कम्मैं कन्ने डिजिटल भारत आहले जत्ने गी सेई मायनें च बल थोग।

<><><><><><>

### Pro. Announcement

आकाशवाणी दा क्षेत्रीय समाचार एकांश जम्मू “सेवा पर्व 2025” दे तैहत अपने विशेष कार्यक्रमें दी श्रृंखला दे इक हिस्से दे तौरा पर 27 सितम्बर गी 30एं मिन्टे दी इक विशेष परिचर्चा प्रसारत करने जा रदा ऐ, जेहदा विषय ऐ- “इक विश्व शक्ति दे रूपे च उभरदा भारत”। इस कार्यक्रम च स्हाड़े परोहने होगन वरिष्ठ पत्रकार मनुश्रीवत्स जेहड़े इस विषय दे बक्ख-बक्ख पैहलुएं पर अपने विचार सांझे करंगन। इंदे कन्ने गल्लबात करंगन न्यूज एंकर अभिलाषा शर्मा ते जगमोशन शर्मा। एह कार्यक्रम कल शनिवारें सांड़े 12.30 बजे स्हाड़े इस्सै चैनल मीडियम वेव 303 मीटर यानी 990 किलोहर्ट्स ते FM 100 इशारिया 3 मैगाहर्ट्स पर प्रसारत कीता जाहग।

<><><><><><>

### Jammu Tourism Day

सैलसफा सरबंधी कुल संसारी ध्याड़े दे मौके उपपर कल जम्मू दे सैलसफा मैहकमे आसेआ मानसर, पत्नीटॉप, बसोहली, रजौरी ते कटरा च रंगारंग कार्यक्रमें दा सरिस्ता कीता जा'रदा ऐ।

इ'नें कार्यक्रमें दे दरान, चित्तरकारी ते नारे लिक्खने सरबन्धी आयोजन दे कन्नो-कन्नी विरासती सैर, मानसर झील च किश्तिएं दी रैली ते मुकामी कलाकारें आसेआ लाईव पेशकारिएं दे राहें बी जम्मू दी समृद्ध संस्कृति ते कुदरती विरासत दा प्रदर्शन कीता जाहग। एहदे अलावा गुड्डियां बधाने आला उत्सव ते सांस्कृतिक प्रोग्राम बी आकर्षण दा मुख्य केन्द्र होडन ते इंदा मकसद टिकाउ सैलसफा ते मुकामी हुनर गी बढ़ावा देना ऐ। मैहकमे नै सैलानिएं, विद्यार्थिएं ते मुकामी लोकें गी साद्दा दिता ऐ जे ओह् इ'नें कार्यक्रमें च शामिल होन ते जम्मू दी सगगोसार संस्कृति, कुदरती छलैपे ते बधदी सैलसफा समर्थ दा जश्न मनान।

<><><><><><>

## Para Archery J&K

दक्खन कोरिया दे Gwangju च चला रदी पैरा तीर-अंदाजी दी विश्व प्रतियोगिता च भारत दे घट्ट शा घट्ट त्रै तगमें जीतना तय होई गया ऐ कीजे तीर अंदाजें Compound Open वर्ग च सुन्ने दे तगमे दे मुकाबले च अपनी थाहर पक्की करी लेई ऐ। जम्मू-कश्मीर थमां पैरा ओलम्पिक च कैह दा तगमा हासल करने आहले राकेश कुमार ते तोमन कुमार दवै मर्दे दी Compound Open व्यक्तिगत मुकाबले च सुन्ने दा तगमा हासल करने लेई मैच खेडगंन। जम्मू-कश्मीर दी 18 बरे दी शीतल देवी नै ब्रिटेन दी खडारी गी 145-140 कन्नै हराइयै महिला फाईनल च प्रवेश करी लैता ऐ। हून उन्दा मकाबका तुर्की दी खडारन कन्नै होग।

<><><><><><>